



ЎЗБЕКИСТОН ПРЕЗИДЕНТИ
ТУРКИЯ ПРЕЗИДЕНТИНИ
УМУМХАЛҚ САЙЛОВЛАРИ
МУВАФФАҚИЯТЛИ
ЎТКАЗИЛГАНИ БИЛАН
ТАБРИКЛАДИ

Ўзбекистон Республикаси Президенти Шавкат Мирзиёев 15 май куни Туркия Республикаси Президенти Режеп Таййип Эрдоған билан телефон орқали мулоқот қилди.

Давлатимиз раҳбари Туркия етакчилигида президентлик ва парламент сайловлари муваффақиятли ўтказилгани билан самимий қутлади. Уларнинг ақунарига кўра, сайловчиларнинг кўпчилиги амалдаги Президент ва Республика иттифоқига овоз берган.

Давлатимиз раҳбари Туркия етакчилигида президентлик ва парламент сайловлари муваффақиятли ўтказилгани билан самимий қутлади. Уларнинг ақунарига кўра, сайловчиларнинг кўпчилиги амалдаги Президент ва Республика иттифоқига овоз берган.

Ў.А.

КАМБАҒАЛЛИКНИ ҚИСҚАРТИРИШ
БЎЙИЧА ЯНГИ ДАСТУР АМАЛГА
ОШИРИЛАДИ

Президент Шавкат Мирзиёев раислигида 15 май куни камбағалликни қисқартириш ва бандликни таъминлаш чора-тадбирлари муҳокама юзасидан видеоселектор йиғилиши ўтказилди.

Давлатимиз сиёсатида инсон манфаатлари, ижтимоий адолат тамойиллари устувор. Шу боисдан ҳам аҳолининг муайян қатлами ўртасида камбағаллик борлиги тан олинди, уни қисқартириш бўйича алоҳида тизим жорий қилинди. Бунга қўшимча, жорий йил бошида барча туманлар шариоғига кўра 5 та тоифага ажратилиб, табақалашган енгилликлар берилди. Буларнинг натижасида ўтган йили 1 миллион нафар, бу йил биринчи чорада 210 миң аҳоли камбағалликдан чиқарилди.

амалдагидан паст фоизларда ва узоқроқ муддатга кредит берилди. Тадбиркорнинг "амалий мономарказ" ташкил қилиш ва жиҳозлаш ҳамда касбга ўқитиш харажатлари тўлиқ қоплаб берилди. Дастурда иштирок этадиган тадбиркорларга солиқлардан алоҳида имтиёзлар берилди. Жумладан, камида 20 фоиз камбағал оила аъзосини бир йил давомида иш билан таъминласа, мол-мулк ва ер солиқларидан озод қилинади. 5 миллион сўмгача иш ҳақи тўлаётган тадбиркорларга ижтимоий солиқ ставкаси 2 баравар камайтирилади. Камбағал оила аъзоси ҳам даромад солиғидан озод қилинади.

Шунингдек, солиқ ва божхона маъмуричилигида ҳам енгилликлар назарда тутилмоқда. Хусусан, бундай тадбиркорлар фаолиятида солиқ текширувлари ўтказилмайди. Уларга қўшилган қиймат солиғи ҳамда ортиқча тўланган солиқлар текширувсиз қайтариб берилди. Барча солиқлардан қардорликни бир йилгача кечиктириб тўлаш имкони яратилди. Божхона расмийлаштирувида "яшил йўлак" тартиби қўлланилади.

Шу боис йиғилишда бу борада янги босқичга ўтиш, рағбат чораларини жорий этиш масалалари муҳокама қилинди. Охириги беш йилда юртимизда тадбиркорлар сони 285 миңдан 590 миңга кўпайди. Бу - битта туманда 2,5 миңдан ортиқ ёки бир маҳаллада 50 нафардан тадбиркорлар синфи шаклланди, дегани. Агар давлат бу тадбиркорлар билан манфаатли ҳамкорлик қилиб, уларни қўллаб-қувватласа, жойларда бандликни ҳал қилиш имконияти ортади.

Дастурга кирган тадбиркорларга биринчи таъминлашда қўшимча енгилликлар берилди. Масалан, ер ва бино-иншоотларни хусусийлаштиришда бўлиб тўлаш имконияти яратилди. Қиймати 50 миң доллар сўмдан юқори лойиҳалар бўйича инфратузилма харажатлари тўлиқ қоплаб берилди.

Йиғилишда ушбу янги тизим асосида жорий йилда 550 миң аҳолини ўқитиб, камбағалликдан чиқариш мумкинлиги айтилди. Маълумки, камбағалликни қисқартириш бўйича Хитойда тажриба катта. Ушбу тажриба асосида ҳар бир вилоятда камбағалликдан чиқариш бўйича алоҳида дастур амалга оширилиши белгиланди. Бунда, камбағаллик юқори бўлган туманларда йўл-транспорт, энергетика, алоқа ва туризм инфратузилмасини яхшилаш, кичик ва ўрта шаҳарларни ривожлантириш, маҳаллаларни санюлаштиришга эътибор қаратилди. Энди ҳар йили тасдиқланган давлат инвестиция дастурлари ҳам шу асосда шакллантирилади.

Шу мақсадда 1 июндан бошлаб "20 миң тадбиркор - 500 миң малакали мутахассис" дастури амалга оширилиши маълум қилинди. Унда иштирок этиш ихтиёрий бўлади. Дастурга 2023-2024 йилда жами 1 миң миллиард доллар ажратилади. Бу маблағлар ҳисобидан тадбиркорга камбағал оилалар аъзосини касбга ўқитиб, ишли қилишига қараб,

Мутасаддиларга танлаб олинган 14 та тумани камбағалликдан чиқариш бўйича комплекс дастур ишлаб чиқиш вазифаси кўйилди.

Йиғилишда вазирлар, тармоқ раҳбарлари ва вилоят ҳокимлари янги тизим асосидаги ишларни ташкил этиш режалари юзасидан ахборот берди. Ў.А.

ҚУРИЛИШ ВА УЙ-ЖОЙ КОММУНАЛ ХЎЖАЛИГИ ВАЗИРЛИГИДА

Ишчи гуруҳи - Тошкент вилоятида



Хабар берганимиздек, Қурилиш ва уй-жой коммунал хўжалиги вазирлиги мутахассислари билан ишчи гуруҳи Тошкент вилоятининг туманларида бўлиб, кўп қаватли уй-жойлар ҳолатини ўрганмоқда.

Ишчи гуруҳнинг ўрганиш ишлари Олмалиқ шаҳрида давом этди. Шаҳарда жами 676 кўп қаватли уй мавжуд. Мутасаддилар кўп қаватли уйларнинг ҳолатини кўздан кечириб, ундаги бир қатор муаммоларга гувоҳ бўлдилар. Мазкур уйларга хизмат кўрсатувчи бошқарув ташкилотлари фаолияти ўрганилди. Шаҳардаги 37 та кўп қаватли уйга хизмат кўрсатувчи "Инженер рами" бошқарув ташкилоти томонидан аҳолига хизмат кўрсатиш соҳасидаги камчиликлар танқид остига олинди. Фаолиятни қониқарсиз деб топилган бошқарув ташкилотига мазкур муаммоларни бартараф этиш учун мuddат белгиланиб, қатъий оғохлантирилди.

Ишчи гуруҳ аъзолари Чиноз туманида ҳам бўлишди. Ушбу ҳудудда ҳам коммунал соҳага оид муаммолар, хусусан, кўп қаватли уйлар атрофидаги тартибсизликлар, чиқинди масаласи, уйлар техник ҳолатининг қониқарсизлиги кўзга ташланди. Туманда жами 124 та кўп қаватли уй мавжуд бўлиб, 2 та бошқарув сервис компанияси томонидан хизмат кўрсатиб келинади. Мутасаддилар томонидан кўп қаватли уйларга хизмат кўрсатиш соҳасида рақобат муҳитини яратиш ва БСК ходимлари малакасини ошириш имкониятлари кўриб чиқилди.

Мутахассислар томонидан ўрганиш ишлари Юқори Чирчиқ туманида ҳам олиб борилди. Ушбу туманда 101 та кўп қаватли уйга хизмат кўрсатувчи "Обод уй коммунал" БСК фаолияти танқидий ўрганилди. Бошқарув ташкилотининг 10 нафар ишчи-ҳодими ва мавсумий ишчилари мавжуд бўлиб, мутасаддилар томонидан

бу етарли эмаслиги, хизмат сифатини оширишда кадрлар масаласига алоҳида эътибор бериш лозимлиги таъкидланди.

Шунингдек, Паркент туманидаги 133 та кўп квартиралы уйга хизмат кўрсатувчи 3 та БСК фаолияти ҳам ўрганилди. "Паркент ёғдуси" БСК бошқарувидаги 12 та уй ҳам кўздан кечирилиб, диспетчерлик хизмати фаолиятини янада жонлантириш зарурлиги айтилди. Ишчи гуруҳи Паркент туманининг Қизил тоғ (Красногорск) шаҳарчасида кўп қаватли уйлар, аҳоли учун яратилаётган шароитлар билан ҳам яқиндан танишди. Бугунги кунда шаҳарчада 90 дан ортиқ кўп қаватли уй ва уларга хизмат кўрсатувчи битта бошқарув компанияси мавжуд. Шерзод Ҳидоятлов ертўллари шартнома асосида тадбиркорлик истагида бўлган фуқароларга бериш ва қўшимча тушадиган маблағларни кўп қаватли уй-жой фондини сақлашга йўналтириш лозимлигини қайд этди.

Очиқ мулоқотнинг навбатдаги манзили:
НАВОЙЙ ВА БУХОРО



Қурилиш ва уй-жой коммунал хўжалиги вазирлиги масъуллари иштирокида ҳудудларда ўтказилаётган очиқ мулоқотнинг навбатдаги манзили - Навоий шаҳри бўлди. Учрашувда рейтинг кўрсаткичлари юзасидан қурилиш-пудрат ташкилотлари вакилларида йиғилиб қолган саволлар ўртага ташланиб, муҳокама қилинди. Иштирокчиларнинг айримлари молиявий кўрсаткичлар бўйича услубий қўлланмани соддалаштириш таклифини билдирган бўлса, бунга қарай қурилиш ташкилотларининг ташкил этилган йили муддатини 5 йил эмас, 10-15 йилга узайтириш кераклигини айтишди.

Учрашувда Қурилиш ва уй-жой коммунал хўжалиги вазирлиги бошқарма бошлиғи Даврон Милиев ташкилотлар томонидан маълумотлар жойлашда йўл қўйилаётган асосий камчиликларга тўхталди. Шунингдек, иш ҳажмининг 60 фоизини қурувчи ташкилот ўз кучи билан

амалга ошириши унинг нуфузини сақлаб қолишда ҳамда рейтинг балларини оширишда муҳим омил экани таъкидланди.

Қурилиш-пудрат ташкилотлари вакиллари билан очиқ мулоқот Бухоро вилоятида давом этди. Учрашувда Қурилиш ва уй-жой коммунал хўжалиги вазирлиги

масъуллари томонидан мазкур онлайн тизимнинг имкониятлари, маълумотлар жойлашдаги актуал камчиликлар хусусида маълумот берилди. Рейтинг кўрсаткичларини шакллантиришда ташкилотларнинг асфальт ишлаб чиқариш линияларига ҳам балл бериш таклифи этилди.

Очиқ мулоқотда қурилиш-пудрат ташкилотлари вакиллари томонидан платформадан қурилиш-пудрат ташкилотларнинг тендерда қатнашиш учун қўрилган иш ҳажмлари ва нарх таклифлари юкланаётганда платформа томонидан автоматик ўқиш тизимини яратиш, ҳисоб-фактураларни тизимнинг ўзида шакллантириши ҳар томонлама тўғри жорий этиш лойиҳасини лойиҳа ва пудрат ташкилотлари билан биргаликда кўриб чиқиш, "Шаффоф қурилиш" тендерларида қатнашиб, ғойиб бўлмаган бўлса-да иштирок этган лойиҳа ва қурилиш ташкилотларига ҳам маълум миқдорда балл бериш каби фикр-мулоҳазалар билдирилди.





